

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Icones sive imagines virorum literis illustrium**

**Reusner, Nikolaus**

**Argentorati, 1587**

Ivstvs Ionas

[urn:nbn:de:bsz:31-271751](#)

IVSTVS IONAS

S. Theol, D.



Mystes Iuris eram: sacrorum denique mysteri,  
Iuris diuini sancta magistra, facit.

M. D. LV.

IVSTVS IONAS NORTHUSA VETERI

Cheruscorum ciuitate imperiali natus  
anno M. CCCC. XCIII.

Post primal liberalium artium percepta studia;  
Ex iuris humani consulto, sac. Theologizæ,  
quæ iuris diuini magistra est, Doctor  
factus clariss.

Vir summi ingenij, & industriae magnæ:  
Professor Liter. Diuinarum, ac dein Præposi-  
tus templi Vitebergæ constitutus:  
Magni illius Principis EL. Ioan. Friderici filio-  
rum, in acerrimis illis tempestatib.  
comes constantiss.

Restituendæ in Saxonia Ecclesiae fidus M.  
Lutheri administer & παπαγάτης  
Omnium rerum in causâ religionis per Ger-  
maniam gestarum adiutor ipse, & conscius:  
Demum Antistes Ecclesiae constitutus in Salinis  
Saxonis, & totius illius diœceseos in-  
spector, ac reformato;

In cuius etiam veluti sanguine M. Lutherus animam  
Deo commendauit suam:  
Tandem Bisfeldæ in Francia sancti perfun-  
ctus Pastoris munere,

Summâ cum pietate vitaque innocentia:  
Obiit sanctâ morte Anno Salutis M.D.LV.  
Aet. LXIII. IX. Octobris.  
Iosephi à Pinu Eteostichon.

Iustus ubi occubuit percussus funere Ionas,  
Frons cum Sole Nepæ Tethyos intrat aquas.

# IN IVSTVM IONAM

Theologum.

## EPIGRAMMATA.

EOBANI HESSI.

Lingua nobilis, ore fulminator,  
Cui mentem genius dedit beatam,  
Dignum celo animum parente: Iuris  
Humani simul & sacri peritus,  
Et vates bonus, & Sophus disertus:  
Hic est nomine IVSTVS ipse IONAS.

IOAN. STIGELII.

Quæ tibi sit docta IONA facundia lingue,  
Iam pridem notum Rhenus & Ister habent.  
Largior à summo ceu defluit athere nimbus:  
Sic fluit eloquij copia larga tui,  
Nam tua seu teneat suspensam concio plebem:  
Vix puto sic aliquem Nestora posse loqui.  
Seu reddas Latio sanctos sermone Prophetas,  
Pendet & à verbo docta caterua tuo,  
Seu tua vieturis mandes pia dogmata charis:  
Eloquij currunt flumina magna tui.  
Qualia lactifluo deponit Liuius ore:  
Conditor historiae Roma vetusta tua.  
Conseris at quoties cum magno verba Philippo,  
Crediderim Crassum cum Cicerone loqui.

Quod si fert animus facundo ludere versu,  
Carmine par magnis vatibus esse potes:  
Siue iuuat tacitas natura inquirere causas:  
Hic etiam ingenij vena diserta tui est.  
Quae sit & ingenua prorsus non improba mentis,  
Atque omni grauitas asperitate carens:  
Quis sit amor, quae sit pietas, quis candor in omnes,  
Vix elegis videor dicere posse meis.  
Officia officijs, & amore lucratis amorem:  
Utq[ue] hominum celebret te genus omne, facis.  
Viue diu felix, multosq[ue] superstes in annos,  
Perpetuo vatum carmine digne cani.

IN EIVSDEM TVMVLVM.  
IOAN. STIGELII.

Tu quoque magnanimi comes explorare Lutheri,  
Iustificam IONA docte docere fidem:  
Quam benè deponens onerosa tedia vita,  
Nunc alio melius viuis in orbe senex.  
Sicut adhærentem latus ad sociale docentis  
A sancto nunquam vate retraxit amor:  
Sic monstrata sequens noti vestigia Christi,  
Sparisti vñanimi dogmata vera sonu,  
Pugnantem calamo, facundoq[ue] ore tonantem  
Te coluit veris turba dicata bonis:  
Quum lacrymis iret lugens viridantibus Albis:  
Fleret & afflictum Sennonis ora decus:

M iiiij

Te populosa piè complexa est Hala docentem,  
Atque alio fato noller abisse suo.  
Excepit latis venientem Francia votis:  
Doctrinā nondum est qua saturata tua.  
Tu quoque fodisti fontes in valle doloris:  
Adfluit unde animis tristibus orta salus.  
Ergo coronatus cœlestia præmia doctor,  
Ante Deum, Christi munere, iustus habes.  
Inter & heroas qui sicut sidera fulgent,  
Perpetuus cœli gaudia ciuis agis.  
Sic age, viue, vale vitâ meliore superstes:  
Sola est in Christo viuere vita p̄ys.

E I V S D E M.

Nomen erat Iusto: cognomen nobile Iona:  
Cura Euangelium grata docere mihi.  
Vrbs Hieræ primum Musas me souit amantem:  
Mox clarum eloquij viribus Albus amat:  
Addictum celebri dum me videt ille Lutherus:  
Ingenio merui nomen habere meo.  
Hinc iusta ad celebres egit me causa Salinas:  
Doctor em excepit Francia lata senem.  
Et docui, & vixi, monuit velut ante Lutherus:  
Pectore saluificam sassus & ore fidem  
Grata meos legit cineres Esueldia mortem  
Ante homines obij: viuo sed ante Deum.

GEORGI FABRICII.

Non hac est Iustus Ionae sub rupe sepulcrum:  
Verum est credentis molle cubile viri.  
Ille pius Christum docuit: clausumque salutis  
Monstravit, simul hoc ipse secutus iter.  
In Christo cubat hic: in Christo vita resurget:  
Et promissa polo gaudia certa feret.

ADAMI SIBERI.

Sepulcri venerare marmor huius,  
Quo IONAS cubat ille IVSTVS: ingens  
Musarum decus, eruditioris  
Sincerus Pietatis & magister.  
Hunc Northusa dedit: docentis ora  
Est miratus & approbavit ipse  
Lutherus: dolet ac gemit paterque  
Albia, Sala paterque: flent ademptum  
Omnes iudicij elegantioris,  
Et boniisque viri, pygiisque cælo  
Ille, colloquio Dei, receptus,  
Et Christi fructus beatus ore.

NICOLAI REVSNERI.

Ius, Sophia, eloquium, IONA, simul addita Musa,  
Quamvis emeritum te super astra ferunt:  
Te Pietas tamen ipsa magis, Regina priorum,  
Sanctaque Religio laudat, & vsque beat:

M v

Quam constans animi , magno præcunte Lutherο,  
Ritè doces: & ius non colis ipse magis.  
Fidus & inuictus per summa pericla Lutheri  
Fis comes, & vita testis, & inde necis.  
Patria dat cunas Northusa, Esfelda sepulcrum:  
Leucoris est fidei testis, & Halatue.

### Fide Iustitia.

IOAN. LAVTERBACHII.

Coram Deo Iustus,fide Christum colens.

Doctrinā iustus,iustus sermone,decoro  
In vita iustus,iustus amicitia:  
Iudicio iustus,sincero iustus anore,  
Consilijs iustus,iustus in officio.  
Dum cunctis iustus rebus facis omnia iuste:  
Recte à iustitia nobile nomen habes.  
Iustitiam iustus colis,in Christiq; salute  
Iustitiam monstras omnibus esse fide.  
Iustitiam fidei iustus sine fine doceto:  
Iustitia iustus regna beata coles.  
Iustitiam fidei Christo quicunque salute  
Aut docet,aut didicit,gaudia saluus habet.